



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolviones
Lectissimorum Casuum**

Diana, Antonino

Antverpiæ, 1645

H

urn:nbn:de:hbz:466:1-41753

2 Et si aliquis cum aduententiâ condat usque ad vomitum, non est peccatum mortale gulæ, sed solum veniale.
Io. Henr. p. 5. tr. 13. ref. 40.

H

HÆRES.

1 Hæres ab intestato non teneat quidquam dare hæredi instituto in testamento minus solemnis, nec soluere legata facta in tali testamento, dummodo non sint facta ad pias causas. quia illud testamentum iure humano est nullum. Vasq. & alij 14. Quamvis contrarium æquè probabiliter docet Molin. & alij 11. & secundum hos potest fieri tacita compensatio, si aliter legatum impetrare non possunt. p. 1. tr. 8. ref. 75 & p. 5. tr. 3. ref. 119.

2 Testator potest quemuis extraneum instituere hæredem, nulla facta mentione consanguineorum collateralium, modo absit scandalum, & grauius necessitas consanguineorum: nullo enim iure id facere prohibetur. Syluester & alij 4. p. 1. tr. 8. ref. 85.

3 Parentes peccant mortaliter grauando

do legitimam filiorum gratuitis donationibus, vel minuendo onerosis, sed fictis contractibus: possunt tamen remuneratoriis donationibus, aut veris contractibus onerosis illam minuere. Fernandez & alij 4. *ibid. ref. 84.*

4 Parentes possunt aliquid plus vni filio relinquere quam aliis, modò reliqui non priuentur legitimâ portione. Bonacin. & alij 6. Caveant tamen parentes ne ex odio faciant inæqualem distributionem; si verò ex inordinato amore erga aliquem id fecerint, non propterea peccant mortaliter, cum non faciant contra iustitiam. *ibid. ref. 83.*

5 Qui sine vi & fraude curauit aliquod testamentum iam factum mutari, & alium hæredem institui, vel aliquid sibi, vel amicis relinquiri, vel etiam se hæredem institui non tenetur ad restitutionem, eis id faciat ex odio erga alterum. p. 3 tr. 6. ref 33.

6 Si quis vi & fraude impedit, ne nepos ex filio spurio instituatur hæres ab auo, tenetur ad restitutionem; neque enim hic est incapax hæreditatis. Vaszquez & alij 10. Qui autem precibus, blâditiis & muneribus impedit, ne quis hæres instituatur, non tenetur ad re-

stitu-

stitutionem. Lessius & alij 6. *ibid.*
 7. Si pater aliquem instituat hæredum
 rogans eum ut hæreditatem restituat
 filio spurio, potestis acceperare. & spurius
 poterit eam accipere: quod si pro-
 mitteret patri vel expresse, vel tacite,
 se id facturum, peccaret mortaliter.
 sicut & testator sic disponendo; quia
 leges id grauiter vetant: imò promissio
 est nulla, quia contra leges, posseque-
 hæreditatem sibi retinere: potestra-
 men si velit spurio tradere, quia etsi in
 illo casu bona addicantur fisco, id non
 obligat ante sententiam. *Becan.* & alij.
 Tenetur tamen pater filio spurio ali-
 menta præstare secundum dignitatem
 status, quamuis enim ius ciuile id non
 permittat, at correctum est per canoni-
 cum. *Sanch.* & alij. Imò & dotem te-
 tur dare pater, quamuis sit clericus, no
 obstante constitutione Pij V. *Sanch.* &
 alij 3. Contrarium tamen est probabi-
 le. *Molin.* & *Fagund* p. 5. tr. 3. ref. 121. &
 131. & p. 6. tr. 7. ref. 28.

Vide *Testamentum.*

Hæreticus.

IN hæresi non datur materia parva.
Sanch. & alij 5. nisi forte diceretur
 solūm

solum aliquod leue verbum sapiens
hæresim. Sayr. & Leone. p. 5. tr. 5. ref. 28.

2 Qui profert hæresim extēnam, vt
incurrat excom. debet illam ita pro-
ferre, vt secundūm quantitatēm operis
externi, & non solā relatione ad con-
fēsum internum, sit peccatum morta-
le. Quare debet manifestari per tale si-
gnūm, vt si quis esset tunc præsens, pos-
set ex eo cognoscere illum esse lapsūm
in talēm hæresim. Granad. & Henriq.
p. 4. tr. 4. ref. 240. sed quamvis sit occul-
tissima, ita vt nemo prorsus sciat præter
ipsum, erit tamen excommunicatus.
Suar. & alij 3. & improbabile est quod
contra afferit Croufers. p. 6. tr. 6. ref. 51.

3 Qui errat in rebus fidei ex ignoran-
tiā non solum crassā & supinā, sed etiā
affectatā, non est hæreticus. Suarez,
Vasq. & alij 10. Quod si talis ignorans
est homo rudis, quamvis moneatur
etiam ab Episcopo, vel Inquisitoribus
de suo errore, si perget nihilominus iu-
dicare suam opinionem non esse con-
trariam Rom. Ecclesiæ, non est verus
hæreticus in foro interno, defēctu
pertinaciæ: in foro tamen externo hæ-
reticus censendus est, & vt talis dam-
nandus. Suar. & alij 3. p. 4. tr. 7. ref. 36.

4 Qui

4 Qui negat conclusionem Theologiæ, quæ euidenter infertur ex propositione de fide, non est hæreticus in ro interno; sed præsumitor in extero & vt talis est punieñdus. Suar. & aliij
ibid tr. 8 ref. 79.

5 Dubius in fide non est censendus hæreticus; quia hæresis est error fidei contrarius, seu assensus contra fidem; ut qui est dubius neutri assentitur pars Sanchez & aliij 5.p.2.tr.16 ref.51.

6 Qui vi, metu, fraude, aut alio modo inter infideles exterius fidem negauit, corde tamen illam retinens, peccauit quidem grauissimè contra externam fidei professionem, non tamen est hæreticus, nec incurrit excomm. & potest à quocumque Confessio approbatu*absolui*: in foro tamen externo iudicabitur excommunicatus. Suar. & aliij p.3.tr.4.ref.143.

7 Hæretorum filii sunt inhabiles ad officia publica, ut sūt Magistratus, Pari toriatus, Notariatus, &c. Suar. Itcm quod ad beneficia Ecclesiastica, & collationis illis facta est irrita. In iido etiam ad pensiones. Sanchez & aliij 6. Et quidem et si filii nati sint ante hæresim parentum. (Barbosa & aliij) vel et si parentu

traditi brachio sacerdotali , mortui sunt
pœnitentes (Suarez & alij 9.) Imò si fi-
lij sint Clerici, priuantur beneficiis et
iam obtentis , postquam parentes in
hæresim lapsi erant, non autem posses-
sis ante illorū hæresim. Suar. & alij 10.
Nullas tamen pœnas ex statutis contra
filios hæreticorum incurruunt ij . qui
hæresim parentum sponte reuelant, et si
ipsi essent nati post parentum hære-
sim. Armilla. & alij 6.p.4.tr.8.ref.73.74.
75. & 76.

8 Non potest quis legere libros prohibi-
tios et si nullum ipsi inde esset pericu-
lum: quia non ille solus est finis Eccle-
sie prohibitis , sed etiam id facit in
odium, & pœnam Auctoris. Vnde pro-
hibentur omnes libri Hæreticorum, et si
hæresim non contineant. Sanctarel. p.6.
tr.6.ref.49.

9 Qui legit librum Hæretici de reli-
gione tractantem , et si non contineat
hæresim, incidit in excomm. Bullæ cœ-
næ. Suar. & alij 3. nec audiendi sunt qui
contra sentiunt. Sayr. & alij 2.p 6. tr.6.
ref.55. Quod si non tractet de religione
ex professo, vel si legat librum auctoris
Catholici cum scholiis, & commenta-
giis hæreticorum , licet copiosis , non
videt

videtur incidere in excomm. Bullæ
næ. Sousa & alij 2. et si contrarium
probabilius: Suarez & alij 4. Neque
audit legentem librum hæreticum:
dire enim nō est legere. Sanch. & alij.
Sed non est recedendum à contrari
sententiâ Suar. & aliorum 7. Ita & non
incurrere qui legit, retinet, imprimi-
pistolam alicuius hæretici, aut Concio-
nem, in qua hæresim doceat, aut aliam
charitatem solutam, nec in formam in-
stans redactam, docet Sanchez &
lij 4. Sed contrariæ sententiæ est insi-
stendum. Non tamen qui legit librum
hæreticum in Galliâ, Angliâ, aut alibi,
vbi Bulla Cœnæ non est recepta. Sanch.
Neque si qui Latinæ linguae rudis, aut
illius idiomatis, quo liber hæreticus co-
scriptus est, illum legat Suarez & alij 2.
Neque qui libros hæreticos comburunt
propriâ auctoritate, nee Inquisitoribus
tradunt ; quia dum illos comburunt,
non retinent. Suarez & alij. Neque qui
retinent librum hæreticum per vnum
vel duos dies, quia est materia parva.
Sanchez & alij 4. p. I. tr. II. ref. 31. 32. 33.
34. 35. 36. & 37. & p. 5. tr. 5. ref. 43.
10 Prohibitus est liber totus et si vni-
cum solum errorem contineat ; ne

suffi

sufficit hunc esse deletum , nisi id factū
effet auctoritate publicā. Imò etsi plu-
res essent tomi , dum scilicet sunt com-
pacti, omnes sunt prohibiti, si vel vñus
errorem contineat, non tamen si sepa-
ratim compingantur. Fagund. p.6. tr.6.
resol.55.

11 In lectione librorum hæreticorum
paruitas materia extendi potest ad in-
tegram paginam in folio. Sanchez &
alij 4. etsi alij communius id negent
cum Suarez, & ad paucas lineas restrin-
gant. Vnde nimis late Crouzers ex-
tendit ad tantam partem libri, quæ per
se sumpta possit libri nomine censer.
p.3. tr.5. ref.42. & p.1. tr.11. ref.30. & p.6.
tract.6. ref.55.

12 Probabile est Generales Regularium
posse subditis suis concedere licentiam
legendi libros quosuis prohibitos , non
obstare Bullā Greg. XV. & Urbani VIII.
Peyrin. & Lezzan p.5 tr.13 fol.49:

13 Hæreticus iam iamque comburen-
dus, tametsi ante mortem non fateatur
publicè veritatem, potest absoluī: nequæ-
vum inde existit scandalum , cum ne-
mo nesciat solere reos crimen ne-
gare , quod tamen plerumque sacra-
mentaliter Sacerdoti confitentur. Huc-

S.

ad.

tad. & Portel part. i tract. 5. ref. 8. &c.
tr. 3. ref. 78.

Homicidium.

1. **I**n iustus inuasor cum moderamur
inculpatae tutelæ potest occidi, et
iam si posses fugere, quādō fuga est in-
decora. Hurtad. Imō quamvis inuasor
esset persona publica, & reipub. incel-
taria, nonnulli negant peccari etiam
contra caritatem (Rodriq. & alij 2. aut
quamvis inuasus fuerit in culpā cu-
maderetur, v.g. committendo adulé-
rium cum vxore alterius. Molin. &
alij 6. Quæ vera sunt non solum pro-
fessione vitæ, sed etiam honoris, pu-
dicitæ, vel bonorum extenorū quan-
do sunt alicuius momenti. (Molin. &
alij 15.) Sed non censetur ad hoc suffi-
cens res valens uno, vel duobus aureis,
quamvis hoc doceat Molina & alij. Ebrium tamen, vel amentem numquā
licet occidere quando potes fugere; ho-
enim non est probrosum. Malder. Imō
nec filius patrem, vel auum, aut frater
minor maiorem; quia talis fuga adscri-
bitur pietati, nō timiditati. Hurtad. p. 5.
tr. 4. ref. 1. 2. 3. 9. 36. & 17.

2. Idem licet pro defensione bonorū,

vd.

vel pudicitiae proximi, nisi ille consentiat, pro vita vero eiusdem defensione etiam debitum erit quando est persona vel necessaria reipublice, vel valde coniuncta, ut pater, mater, filius, uxor, vel frater. Malder. & alij. Sicut etiam inuisus quando est persona multum utilis reipub. tenetur sub mortali inuasorem occidere, si possit, pro sui defensione. Molin. & alij 3 ibid. ref. 19. 36. 20 & 14.
3 Ob contumeliam non licet alterum occidere et si illa aliter depelli non possit; unde neque si viro honorato dicatur mentiris, et si hoc esset prebrosum. (Less. & alij 5.) quamvis nonnulli contrarium doceant (Baldel. & alij 3.) licet tamen quando aggressor vellet furfrem, vel alapam impingere viro honorato: (Hurtad. & alij 15.) & in omnibus casibus quibus licet occidere, potest intendi mors aggressoris. Molin. & alij 5 ibid. ref. 12. 13. 4. & 16.

4 Si non possis per iudicem recuperare rem tuam furto sublatam, potes ingressi locum ubi illa deposita est, eamque tibi vindicare, & si alter impedit, vim vi repellere. Lessius & alij 2. ibid. ref. 37.

5 Quamvis minantem mortem non liceat occidere (Malderus) potes tamen

præuenire qui te decreuit interficere quando aliter non evades aut morte aut graue eius periculum. Molin. vnde & herum qui famulo mandat te occidere, & maritum quem uxor scit venenum, aut gladium parasse. Bannez & alij 3. ib. d. res. 10. 5 & 6.

6 Miles certò sciens bellum esse iniustum, potest tamen occidere militem contrariæ partis à quo inuiditur, quido ipse cessauit ab impugnando, & fugit, & alterum monuit ut desistat ab impetendo. Azor. & Soto. ibid. res. 15.

7 Potest proponi præmium occidenti bannitum etiam proditoriæ, & ex insidiis. Molin. & alij 2. imò & extra tentiorum proponentis tunc posse occidi docent Graff. & alij 2. non potest tamē in simili casu filius occidere patrem. Bonacin. & alij ibid. res. 25. & 24.

8 Ut vitam tuam defendas ab aggressore, potes interficere etiam innocentem vel interpositū inter te, & aggressorem, vel in viâ iacentem quando aliter te seruare non potes. Less. & alij. Si militer innocens potest ad petitionem tyranni urbem alias euersuri tradi ab eo occidendum, & si contumaciter resistat potest ab ipsâ etiam rep. occidi.

Baq.

Bannez & alij. Obsides etiam videntur posse occidi quando hostes fidem frangunt. Azor. *ibid. ref. 34. 23. & 35.*

9 Quando salus totius corporis id exigit, vnde cumque id proueniat, potes membrum quoduis tibi amputare, atque adeò etiam si tyrannus alias minetur tibi mortem. Malder. & alij 3. Quando tamen in præcisione membra essemus graues cruciatus, ut in depositione tibiae, non potes ad hoc obligari quāvis religiosus essemus. Sotus & alij 4. *ib. ref. 32. & p. 6. tr. 8 ref. 36.*

10 Homicidium sui fieri potest ex invincibili ignorantia. Molin. & alij 5. Vnde non est neganda Ecclesiastica sepultura puellæ, quæ ad seruandam pudicitiam seipsum occidit: quia præsummi debet ex tali ignorantia fecisse. Sed non possunt naufragi à pyratis Turcis oppugnati, pulueri tormentario ignem iniucere, & se mari committere. licet contrarium doceat Less. & alij 6. *p. 5. tr. 4. ref. 30. & 26. & p. 6. tract. 7. resol. 47. & 48.*

11 Probabile est posse aliquem vitam suam exponere pro amici vita seruandâ. (Sotus & alij 3.) vnde in naufragio poterit quis dimittere tabulam, quā al-

ter euadat, et si ipse sit submersus
(Victor. & alij 4.) imo idem licet
pro defensione honoris, vel bonorum
amicorum. Sotus. p. 5. ref. 28. 42. & 29.

12. Damnatus ad mortem per inedia
potest abstinere a cibo clausus oblatus (Lessius
& alij 5.) sed non potest haurire
venenum qui ad illud damnatus est
posset tamen aperire os, ut venenum
fundatur decet Lessius. Sicut neque
potest se e scala præcipitare quando
carnitex collo laqueum apposuit. Sylo.
ibid ref. 41. 39. & 40.

13. Non tenetur ex homicidio restituere 1. qui occidit alterum pro defensione bonorum et si faciliter potuisse recuperare per iudicem. Caietan. & alij 2. 2. qui occidit inuasorem cum sine nota potuisse fugere, quamvis Clericus sit; quia tunc solum peccauit contra caritatem. Less. & alij. 3. adulterum qui cum moderamine inculpatæ tutela oportedit maritum adulteræ inuasorem. Lessius & Megal. 4. qui metu mortis indicauit aliquem qui iniuste petebatur ad necem. Rodriq. 5. nobiles, & diuites videntur renuntiasse iuri restitutionis ex homicidio; nam solâ iniuriam memorem retinuerunt. Sanch. & alij 6. 6. Quan-

do homicida capite damnatus est, hæredes eius cœsentur acquiescere illâ pœnâ talioris, saltē dum amplius non exigunt. Bannez & alij 7.7. qui defendendo se occidit alterū excedens moderamen inculpatæ tutelæ nō tenetur ad totū damnum, sed solum pro ratione excessus. Comitol. & alij 2.8. qui aduertit ex suo homicidio damnū tertio obuentur, v.g. vt Petrus accusetur homicidijs patrati, & condemnatur, nihil huic tenetur restituere: quia cùm illud damnum per accidentis inde sequatur, non tenebatur ex iniustiâ illud cauere. Sanch. & Less. 9 si mancipium, vel animal aliquod damnum intulerit, dominus non tenetur id compēsare, neque leges aliud statuentes obligant ante sententiam. Lessius & alij 2.ib. ref. 45. 48. 49. 47. 63. 61. 60. 44. 51. & 52.

14 Qui alteri homicidium iniustum persuasit, & posteâ seriò consilium reuocauit, si nihilominus homicidium perpetretur, non incurrit in excomm. neque in irregularitatem, neque etiam probabiliter obligatur ad restitutio- nem; quia fecit quod potuit, vt prius consilium euenteret, ac proinde non videtur executor ipsius consilio suisse

impulsus, sed potius suâ malitiâ. Lay
& alij. p. 3. tr. 5. ref. 83. & p. 5. tr. 4. ref. 64.

15 Quando homicida restituit hæreditibus quę occisus fuisset lucraturus, nullū tenetur restituere eius creditoribꝫ. Less. & alij 5. p. 5. tr. 4. ref. 57.

16 Quando oceifus omnia condonauit homicidæ ad nihil amplius obligatur, eñam filiis occisi. Bānez & alij 3. Tindlo verò alimentorū nō tenetur restituere nisi parentibus occisi, filiis, vel vxori; quod si hæc æquè commode potest numerare, nihil ei debetur. Less. & Pillius. Imò si parentes, & vxor non egeant alimentis, nec filij necessariis ad vitam, non deberi aliquid ante iudicis sententiam docet Tanner. multò minus debet aliquid restitui iis quos occisus alebat ex liberalitate, aut quibus benefaciebat, quamvis consanguinei eius sint. Molin. & alij 6. ibid. ref. 58. 59. & 56.

17 Qui prouocatus, vel ex condito ad pugnam descendit, non tenetur ad restitutioñē damni ob vulnus, aut mortem illatam: quia prouocans quantum in se erat, in id consensit. Secus est de eo qui alterum prouocauit. Lessius & alij 2. p. 3. tr. 6. ref. 53. & p. 5. tr. 4. ref. 50.

18 Qui vulnerauit opificem, tenetur ad

ad impensas in chirurgum faciendas,
& ad aestimationem operarum, quibus
caruit quamdiu ex illo vulnera fuit in-
utilis ad opificium exercendum: potest
tamen deduci aestimatio molestie, quam
in opificio habiturus erat. Molin. &c
alij 2. Idem est si talem occiderit, quam-
uis non teneatur totum lucrum com-
pensare, cum lucrum in spe non tanti
valeat, quanti in re:quare id taxari de-
bet iuxta aestimationem annorum qui-
bus putabatur superuicturus. D. Thom.
& alij. Sed pro cicatricis deformitate,
imò ipsius vita iacturâ, nulla pecuniae
compensatio facienda est ante Iudicis
sententiam. Vasq. & alij 15. p. 3. tract. 6.
ref. 53 & p. 5 tr. 4. ref. 53. & 54.

19 Restitutio pro homicidio non de-
bet necessariò fieri per Missas, vel pre-
ces. Layman & alij 4. et si deceat Con-
fessarium talia imponere pro occiso.
p. 5. tr. 4. ref. 55.

Horæ canonicae.

i **Q**ui recitat officium animo non
satisfaciendi protunc, si poste à
pertensus mutet intentionem, & velit
satisfacere illâ recitatione, satisfacit ob-
ligationi: quia qui facit quod lex im-
perat

perat etiam sine intentione satisfac-
di legi, verè satisfacit. Vasq. & alij.
p.2. tr.12.ref.37.

2 Beneficiarius voluntariè recitans offi-
cium sine debitâ attentione, non nu-
netur ad restitutionem fructuum: quia
hæc pœna imposta est omnibus
recitationem officij. Malder. & alij.
quamuis communiter DD. contrarium
doceant *ibid ref.1.*

3 Recitans horas canonicas cum vo-
luntariâ distractione, satisfacit præ-
pto Ecclesiæ. Idemque est de Missâ sine
attentione auditâ, modò non desit ex-
terna reuerentia. Coninc & alij 12. sed
communis sententia est contraria. Imò
probabiliter satisfacit præcepto, quile-
git horas animo nō satisfaciendi præ-
cepto. Vasq. & alij 5. *ibid ref.2.* & part.3.
tr.6.ref.68. & p.4. tr.4.ref.107.

4 Qui priuatim Officium recitat, satis
esse si vocem formeret labia mouendo,
etiam si à nemine, neque à seipso audiri
possit, docet Azor. & alij 3. Quod pro
scrupulosis est admittendum, non ta-
men pro aliis: nam si vox debet esse
articulata, debet esse audibilis; ergo mi-
nimùm audiri debet ab ipso recitan-
te, seclusis impedimentis extrinsecis.

Suar.

Suar. & alij 2. Cùm autem duo simul recitant, non est necesse, ut ambo dicāt antiphonas, vt sit in choro, neque etiam vt alternis dicant lectiones, sed potest vatis omnes legere Villalob. p. 2. tr. 12. ref. 11. & 12 & p. 6. tr. 6. ref. 10.

5 Moniales, & deputati ad chorū, tenentur sub peccato mortali persoluere horas canonicas, ex vi consuetudinis, etiam priuatum dum à choro absunt. Suarez & alij 21. Nihilominus de hac consuetudine, saltem obligante sub mortali, multi dubitant. Caiet. & alij 6 & eam negat Bordon. part. 6 tr. 8. ref. 12 & p. 2. tr. 12. ref. 17.

6 Monachus fugitiuus, aut electus ē monasterio, non tenetur recitare officium; quia non est in statu in quo obligetur. Bonaciu. sicut neque Clerici, & Religiosi daminati ad triremes. Sanch. & alij 3 p. 2. tr. 12. ref. 18. & 40.

7 Clerici minores, tenentur recitare psalmos ab Episcopo in ordinatione iniunctos. Suarez & alij 4. alij tamen putant tantum obligari ex honestate, non autem sub peccato mortali. Sotus & Valent. Quare non potest Episcopus illis imponere aliquid quotidie recitandum. Filiuc. & alij ibid. ref. 20.

8 Qui

8 Qui ordinatur Subdiaconus, tūm tenetur recitare horas à tempore ordinationis, v.g. si ordinatus est horum XI. tenetur ad summum recitare semi, & reliquias horas. Castro P. & alij. In si manet ante susceptionem Ordinis officium recitasset, probabiliter non teneretur illud repetere. Trullench. eti hoc affirmit Bonacini. Idem est demittente professionem. p. 4. tr. 4. ref. 28. & p. 6. tr. 7. ref. 38.

9 Qui recepit beneficium inualidè, siue ob Simoniam, vel quia est irregularis, vel aliâ de causâ, non tenetur ad recitandas horas; quia non habet verum titulum beneficij. Quod si tamen hic posteà peteret revalidationem beneficij, & compositionem pro fructibus deberet exprimere se non recitasse horas, vel teneretur ob illam causam iterum componere de fructibus. Sanchez. p. 4. tr. 4. ref. 146.

10 Qui habet adeò tenue beneficium, ut non excedat 16. aureos, non tenetur ad horas. Sanchez & Less. ibid. Imò nisi excedat 20. Ledesmi. Requirit autem Malder. ut sufficiat ad tertiam partem mediocris sustentationis. p. 2. tr. 12. ref. 9. & p. 5. tr. 5. ref. 25.

11 Be.

11 Beneficiarius non tenetur ad horas canonicas ante pacificam beneficij possessionē. Suarez & alij 7.p.2.tr.12.ref.21.

12 Coadiutoria in beneficio cum futurâ successione, & assignatione alicuius portionis pro congruâ, non obligat ad horas ; quia non est beneficium. Suar. & alij 4.p.5.tr.13.ref.75.

13 Qui Matutinum diuidit à Laudibus debet in fine illius dicere orationē diei (Gauant. & alij 3.) etsi id neget Sánchez. Illa autē diuisio non dicit interruptiōnem officij, vnde priuatim fieri potest sine causā. Bonart.p.5.tr.14.ref.48.

14 Quamuis interruptio inter recitandum sit notabilis, & sine iustâ cauſā ; non est mortale , non repetere ab initio. Quia hæ circumstantiæ non pertinent ad substantiam præcepti. Lessius & alij 5.p.2 tr.12.ref.4. Similiter qui ex voto , vel pœnitentiâ tenetur recitare coronam B. Virginis, satisfacit, etsi cū magnâ, nec necessariâ, interruptione id præstet. Sanchez.p.4.tr.4.ref.17.

15 Qui deditâ opera mutat officium, vt si pro officio de feriâ dicat de aliquo Sancto , non peccat mortaliter. Quia hoc non pertinet ad substantiam recitationis officij, sed tantum ad modum.

dum. Lessius & alij 13. p. 2. tr. 12. ref.
 16 Quando chorus est impeditus, etiam ob frigus hiemale, si officia canatur in sacristiâ, satisfit obligationi, etiam si illa non esset plâne coniuncta cum Ecclesiâ. Castrop. & Bonacin. p. 6. tr. 8. ref. 13.

17 Qui recitant officium etiam in choro extra horas præscriptas, si scandalum absit, non peccant mortaliter. (Layman & alij 3.) Nec qui recitanti Matutinum sequentis diei, ante officium illius diei persolutum. Suarez & alij 3. Nec qui ordine præpostero narrat officium, aut partem illius. Quia ordo non est de substantiâ recitationis. Bonacin. & alij 4. part 2. tract. 12. ref. 14. 15 & 16.

18 Ab horâ quartâ post meridiem licet dicere Matutinum sequentis diei. Filliuc. Imò & ab horâ tertiâ. Henr. & alij 2. et si hoc alij non probent. ibid. ref. 39. Quòd si quis legeret horâ secundâ, satisfaceret præcepto, nec peccaret mortaliter, etiam si nondum legisset vesperas eiusdem diei. Iusta autem causa est, & quæ ab omni culpâ excusat, si scholasticus horas differat in tempus vespertinum, quia matutinum studiis aptius

aptius est. Sanchez. part. 4. tract. 4.

ref.
us,
ficiun
ation,
iunct
n.p.b.
am in
ican-
aliter.
citant
e offi-
rez &
o reu-
gia or-
ionis.
es.14.
em li-
s diei
enq.
.ibid.
ecun.
caret
et ve-
caula
et, n
mpus
ludiis
ptius

ref. 9.

19 Qui non potest ratione infirmitatis, puta febris, recitare horas tempore debito, v.g. vesperas post meridiem, & alias horas ante meridiem, probabile est, nō teneri præuenire, vel vespere omnes legere. Canus & alij 3. *ibid. ref. 10.*

20 Qui recitat cum alio habente priuilegium vtendi Breuiario breui, vel dicendi horas ante tempus, satisfacit. Henriq. & Portel p. 2 *tr. 12. ref. 35.*

21 Qui est impotens solus recitare horas, non tenetur recitare cum socio. (Sancius) saltem quando non est solitus cum socio legere. (Lessius.) Sed quamuis teneretur, non tamen obligaretur socium ad hoc pretio conducere, etiam beneficiarius (Bonart.) consulendum est tamen ut faciant p. 4 *tr. 4. ref. 121.*

22 Qui dubitat an psalmum aliquem, vel horam omiserit, non tenetur repetere, si probabilem habet coniecturam se dixisse, vt pote quia propositum attendendi habuit, & horas se in epissē meminit, & librum tenuisse. Homo bon *ibid. tr. 3. ref. 68.*

23 In recitatione officij, notabilis affissio syllabarum, vel nimia celeritas in canena.

canendo, est peccatum veniale tantum, neque obligat ad officium denuo, tandem, nisi ad sit contemptus, scandalum, aut notabilis corruptio-
borum. *Filiuc & alij 3 p. 2. tr. 12. ref.*

24 Qui omittit omnes horas canonicas vnius diei, vnum tantum peccatum committit. Quia sepius horas vnum efficiunt officium. *Suarez & alij 4 p. 2. tr. 12. ref. 5. Idemque est de voluntate intentionis omittendi omnes horas, etiam diuerso tempore habitâ: quia eis plures sunt volitiones, continuantur in extensâ omissione, quæ vnicum peccatum est.* *Bonart. p. 4. tr. 4. ref. 219.*

25 Qui breuiorum Horarum dimidiā partem omittit (*Reginald. & alij 4.) maiorum verò Horarum, ut Mattutini, Laudum, Vesperarum quartam partem, censetur peccare mortaliter.* (*Ragucijs*) Etsi alij excusent à mortali, si saltem unus psalmus ex breuioribus Horis dicatur, ita ut non omittatur tota. *Bonart. Generatim verò Suar. & alij 2. ad mortale requirant, ut aliquum Horæ omittatur pars tanta, quæ aequaliter minimæ horæ. Etsi Marchin. etiam vnius integræ paruæ horæ omissionem, neget ad mortale sufficere, eo quod*

quod sit materia parua respectu totius officij. p. 6. tr. 6. ref. 6. ibid. ref. 216. & p. 2. tr. 12. ref. 41.

26 Sacerdos beneficiarius omittens horas, non peccat duplicitate ratione Ordinis sacri, & beneficij: quia unicus violat virtutem, nempe religionem. Salas & alij 3. p. 2. tr. 12. ref. 22.

27 Omissio minor quam unius Horæ integræ, non obligat ad restitutionem, licet peccaret mortaliter; ut si quis omitteret Laudes Filiuc. & Bonart. etiamsi fructus omissæ parti respondentes essent notabilis quantitatis. Filiuc. & Bonart. Qui vero ex singulis aliquid omisit, non tenetur, quia lex pro singulis horis restitutionem definit. Bonacini. & alij ibid. ref. 26. & p. 4. tr. 4. ref. 120. & p. 5. tr. 5. ref. 54 & tr. 14. ref. 46. & 47.

28 Omissionem officij per octo, vel decem dies in anno, non obligare ad restitutionem, affirmat la Cruz & Io. Henr. sed an probabiliter, alij iudicent; & videtur contra expressam intentionem Ecclesiæ in Bullâ Pij V. p. 2. tr. 12. ref. 34. & p. 5. tr. 5. ref. 24.

29 Beneficiarius non recitans Officium primis sex mensibus, non tenetur iure naturali ad restitutionem. Lessius

T

&

& alij 6. quia obligatio recitandis
horas, non est ex iustitiâ commutata
sed ex religione. p. 2. tr. 12. ref. 25.

30 Qui habet beneficium curatum
aut simplex, si per multos annos hi-
pius omisit horas canonicas, nō tene-
tur restituere nisi partem fructuum re-
spondentem obligationi recitandi ho-
ras. Lessius & alij 11. *ibid* ref. 8.

31 Beneficiarius, qui hodie supplet he-
sternum defectū in recitatione officij,
non liberatur ab onere restitutionis
quia ex Bullâ Pij V. qui non recitat suo
tempore, non facit fructus suos. Hen-
riq. et si id affirmant Molfes. & Bonacini.
ibid ref. 24.

32 Restitutio ex omissione horarum
facienda est fabricæ beneficij, vel agris
meliorandis, vel pauperibus, vel defun-
ctis, per Missas, & suffragia. Fillius. &
alij *ibid* ref. 27.

33 Qui occupatur pulsandis organis
thure præbendo, &c. dum horæ canun-
tur in choro, non tenetur recitare eis
quæ tunc à choro dicuntur, et si ipse
ea non audierit. Layman & alij 7.
Idem est, si quis ut bene pronuntie-
rectionem in choro iniunctam, occu-
petur in eâ prælegenda, dum chori

aliam canit. La Torre. *ibid. ref. 13.*

34 Prælati Regulares grauioribus occupationibus non impediti, tenentur adesse choro, ad exemplum. La Torre. *ibid. ref. 38.*

35 Surdus tenetur recitare horas, sed non cum socio, et si aliter non possit. Bonart. p. 5 tr. 6. ref. 15. Cæcus vero, vel Breuiario carens, qui memoriter nouit psalmos, non autem lectiones Matutini, vel Orationem, & Capitula, non tenetur solos psalmos recitare: quia soli psalmi non faciunt Horas. Filliuc. & alij 4. Idem dicendum, et si sciret memoriter lectiones, vel capitula alterius officij: quia nemo tenetur dicere aliud Officium, nisi Officium currentis diei. Et consequenter qui haberet solum Diurnale, non teneretur recitare solos psalmos sine lectionibus, & responsoriis: quia et si haec sint minor pars Matutini, sunt tamen maximè principalis. Sancius. p. 2. tr. 12. ref. 30. & 43. Sed hoc intellige de Officio nouem Lectiōnum, non de officio trium, in quo defectus illarum videtur parvus. Sanch. p. 4. tr. 4. ref. 225.

36 Quando medicus dubitat an recitatio officij noctitura sit ergo, non tene-

T 2

tur.

tur recitare. Bonacini. & CastroP. Item, cui non licet per morbum maiorem partem Officij recitare, ad nihil tentatur; immo qui non potest Matutinum cum Laudibus: quia etsi non sit pars maior officij, est tamen prima, & principua. CastroP. & alij 2. *ibid. ref. 225.* & p. 2. *tr. 12. ref. 28.* & 29.

37. Potest Superior ex iusta causa cum suis Religiosis dispensare circa recitationem officij. Less. & alij 2. Item posse, ex priuilegio Clementis VII. concessio clericis S. Sylvestri de Vrbe, occupatis prædicatione verbi Dei, audienti a confessionum, vel etiam studio S. Theologiae, assignare sex aut septem psalmos, cum septem *Pater noster*, ut bis symbolum Apost. vt ea recitent loco horarum canonicarum, tradit Rodriq Non potest tamen Prælatus quidquam mutare in Breuiario, absque licentiâ Papæ quamuis possit ex iusta causa dispensare semel atque iterum, ut aliud officium dicatur, quam quod habetur in Breuiario pro illo die. Suarez & alij 6. p. 2. *tr. 12. ref. 19.* & 36.

38. Qui non interest choro, vel processionibus in diebus Rogationum, non tenetur priuatim recitare Litanias.

Vasq.

Vasq. & alij 3. ibid. ref. 42. Sed contrariū
est tutius & verius. Suarez & alij 5. p. 4.
tr. 4. ref. 226.

39 Officium Defunctorum die 2. No-
uenbris dicendum, obligat sub morta-
li. Suarez & alij 24. ibid. ref. 243.

I

IEIVNIVM.

1 **S**Exagenarij, licet robusti & vegeti,
excusantur à iejunio. Imò non nulli
DD. illos excusant à ieuniis, quæ vo-
uerunt certis diebus anni in torū vitæ
tempus. Sanchez. Quæ vera sunt, etsi
annus 60. tantum esset inchoatus; (Sā-
cius & Nald.) quia in fauorabilibus an-
nus incepitus habetur pro completo.
p. 1. tr. 9. ref. 20. & p. 5 tr. 14. ref. 83.

2 Licet ministrare carnes pueris ante
septennium expletum, in diebus ieuniis;
quia nullis legibus obstringuntur. (San-
chez & alij 6.) etsi tunc doli capaces
sint. (Sancius) etsi alij hoc negent (Vil-
lalob.) Item licet eas ministrare Paga-
nis, qui nullâ lege Ecclesiasticâ obligan-
tur. Necnon perpetuò amentibus. San-
chez & alij. p. 1. tr. 9. ref. 42.

T 3 3 Nemo